

pune ; paterentur . Nos autem si primum ex-  
plere non possumus , alterum saltem aggredi  
non omittamus . Si bene cesserit opus , bonorum  
omnium Datori acceptum referimus , qui illud  
par amori nostro contulit : Si autem male , ei-  
dem quoque gratias agimus , quod nobis saltem  
studium dederit , quo Nationi nostræ prodeße  
aliquantulum velimus , et si æquale studio opus  
ferre nequeamus .

At ad Scriptores devenimus , quibuscum  
nobis hac in Dissertatione res est . Ultimus , qui  
contra Brutios scripsérunt , eosque senserit , Chri-  
sti & Lictores , & Tortores fuisse , R. Ad. Pater  
Magister , FRATER JACOBUS HYACINTHUS SERRY , fuit ,  
Primarius in Academia Patavina S. Theologiæ  
Professor , Doctor Sorbonicus , Ordinis Prædica-  
torum . Is in libro , cui titulum præfixit : *Exer-  
citations historicæ criticæ polemicae , de Christo ,  
eiusque Virgine Matre , quibus Judæorum errores ,  
de promissso sibi liberatore , nova methodo refellun-  
tur , Christianæ Religionis mysteria omnia ad cer-  
tam historiæ fidem exiguntur , explicantur , de-  
fenduntur , habitæ in Academia Patavina ; is , in-  
quam , in exercitatione 56. , cui titulus , de tem-  
pore & loco crucifixionis , nec non de lictoribus ,  
atque tortoribus , totus est , ut Brutios velit ,  
Christi lictores , ac tortores fuisse .*

Eruditæ quidem Exercitationes istæ omni